



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LVII. Markgraf Ludwig bestätigt dem Kloster Chorin seine Besitzungen und Rechte, am 23. October 1324.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

qua libertate sepedictos fratres confouebimus defensuri cessante contradictione quorumlibet importuna. Renunciantes omni juri nostro canonico et ciuili, quod videbatur habere in eisdem, similiter et in Bucholt, quicquid jam adepti sunt vel poterunt de pheudis a quolibet habente emptione legitima adipisci. Volumus insuper, quod nullus Aduocatorum nostrorum, Bodellorum vel Custodum lignorum aut terre Equitatorum in libertatibus, in precaria, in jure supremo et basso dictarum villarum aut quacunque angaria alia ipsas villas intrans sub intenta nostre gratie sepe nominatos fratres de Choryn et eorum subditos inquietet, turbet aut molestat. Ut autem hec nostra donatio, confirmatio et tuitio perpetuo inconuulsa et rata perseueret, presentes literas conscribi iussimus et munimine nostri sigilli fecimus roborari. Testes hujus nostri contractus aut rei sunt illustris princeps Wentzlaus, noster frater karissimus, nobilis vir Albertus, Burggravius de Lyznik, Fridericus et Hinricus, milites dicti de Aluensleue, dominus Nicolaus, prepositus in Bernow, Otto et Hinricus, fratres, pincerne de Scheyneckendorp, Thydericus Greptiz, Henningus et Hermannus, fratres, dicti de Wolkow, Hinricus de Slaberndorp, milites, et quam plures alii fide digni, quorum fides nullatenus est neganda. Datum Berlyn, per manum Thyderici, nostri prothonotarii, sub annis domini millesimo tricentesimo vicesimo, in die beati Andree apostoli.

Aus dem nach dem Original des R. Geh. Staatsarchives berichtigten Abdrucke in Gerken's Cod. II, 461.

LVII. Markgraf Ludwig bestätigt dem Kloster Chorin seine Besitzungen und Rechte, am 23. October 1324.

Lodewicus, dei gratia Brandenburgensis et Lusatie Marchio, Palatinus Comes Rheni, Dux Bauarie, Sacri imperii Archicamerarius, Omnibus in perpetuum. Quamuis mentis nostre circa hoc sedulo versetur intentio, quomodo omnibus sante orthodoxeque ecclesie fidelibus pii operis nostri studio placeamus, subditorum tamen nostrorum ingens fidelitas ad hoc specialiter nos allicit, quomodo cure nostre ingentis sollicitudine specialius atque seruentius placeamus. Inde ergo est, quod honorabilis ac religiosi viri Domini fratris Heysonis, Abbatis, et conuentus monasterii in Choryn, quod quondam Stagnum sancte Marie vocatum est, Cystercienfis Ordinis deuotis ac supplicibus requisitionibus inclinati uniuersas ipsius monasterii libertates, proprietates, jura atque immunitates, quibus monasterium ipsum persone, bona eorum et subditi per Antecessorum nostrorum quondam Marchionum Brandenburgensium priuilegia et litteras muniti ac adornati sunt, Nec non omnia ipsorum priuilegia litteras vel instrumenta ipsis per eosdem nostros Antecessores seu per alios rite data et concessa super proprietatibus, libertatibus, possessionibus, bonis, juribus seu super quibuscunque donationibus, siue inter vivos vel in ultima voluntate approbamus, ratificamus ac presentis pagine patrocinio confirmamus. Nolentes per nos nec nostro nomine per alios ipsorum possessiones, jura et proprietates nobis aliquatenus vendicare vel eorum libertati, quam priuilegiis edocere poterunt, in aliquo contraire, quin imo ipsum monasterium, personas, bona et subditos nostre perpetue et singulari protectioni supponimus, procuraturi eorum compendia sincere et ab ipsis queque dispendia nostri operis efficacia remoturi. Et ut premissa omnia et eorum quodlibet stabili firmitate subsistant, presentem paginam inde confici et sigilli nostri robore de nostra certa scientia fecimus communi.

Testes vero hujus rei sunt Spectabilis vir Bertoldus de Hennenberg atque nobilis vir Dominus Hinricus de Schwarzborch, Comites, honorabilis vir Segerus Stendalgenfis prepositus, nostre curie prothonotarius, Bertholdus de Buzt, Thidericus de Kercowe et Ericus de Wolkow, nostri milites cum aliis fide dignis. Nulli ergo omnino hominum liceat hanc paginam nostram infringere vel ei ausu temerario contraire. Quicumque vero hoc facere presumpserit, a nostra se sciat gratia exulatum. Datum Berlin, per manum Hermanni de Lucho, anno domini M^o. CCC^o. XXIV^o. die sancti Seuerini Episcopi.

Aus dem nach dem Original des Königl. Geh. Staatsarchives berichtigten Abdrucke in Gercken's Cod. II, 465.

LVIII. Markgraf Ludwig weist seine Zöllner und Beamte an, die dem Kloster Chorin verliehene Zollfreiheit aufrecht zu erhalten, am 23. October 1324.

Lodewicus, dei gratia Brandenburgensis et Lusatie Marchio, palatinus Rheni, dux bawarie, sacri Imperii Archicamerarius, vniuersis suis Aduocatis, Officiatis ac Theloneariis per principatum Marchie presentibus et futuris gratiam suam et omne bonum. Cum deuotis in Cristo viris domino Abbati et conuentui monasterii in Choryn nostri Dominatus ex speciali affectu a nostris antecessoribus quondam Marchionibus Brandenburgensibus sit indultum juxta suorum continentiam priuilegiorum, quod ipsi Abbas et conuentus a debito thelonei de suis allecibus atque de aliis ad expensarum suarum usum necessariis debeant fore liberi et immunes, vestre providentie sub nostra gratia precipimus et mandamus, quatenus huiusmodi gratiam illesam seruantes ab eisdem allecibus et rebus aliis ad eorum expensam deputandis nil penitus exigatis, sicut a nostro fauore et gratia nolueritis vos excludi. Hanc literam nostro sigillo sigillatam ipsis pro testimonio concedentes. Datum Berlin, anno Domini M^o. CCC^o. XXIV^o., die sancte Seuerini in nostra presentia.

Aus dem nach dem Original des K. Geh. Staatsarchives berichtigten Abdrucke in Gerckens Cod. II, 467.

LIX. Der Rath zu Angermünde bekundet, daß die Gebrüder Thidekin und Albern von Oderberg ihre Besitzungen zu Serwest dem Kloster Chorin aufgelassen und die Bezahlung dafür erhalten haben, am 22. Mai 1327.

Nos Consules ciuitatis Noue angermunde Recognoscimus et presentibus publice protestamur ad omnium cupientes noticiam peruenire, Quod honesti famuli Thidekinus et albernus, fratres, dicti de oderberche, in nostra constituti presencia publice sunt confessi, quod bona sua omnia in serwestiz, videlicet mediam partem ville cum dimidia parte stagni, eidem ville adiacenti, cum omnibus aliis eidem bonis adiacentibus, cum iure et utilitate, rite et rationabiliter vendiderunt et resignauerunt religiosis viris dominis suis abbati et conuentui monasterii choryn, renunciantes simpliciter omni iuri, iurisdictioni et utilitati, quod sibi seu heredibus suis competeat uel competere poterat in futurum. Predicti etiam thidekinus et albernus facti sunt coram nobis,